

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON

OPĆINSKI SUD ŽIVINICE

Broj: P-511/04

Živinice, 11.5.2005. godine

Općinski sud u Živinicama, po sutkinji Ružici Krešić, u pravnoj stvari (tužitelj) Hodžić Mustafa, sina Mahmuta iz Šerića br. 508, zastupanog po punomoćniku Mehmedu Šehiću, advokatu iz Živinica protiv tuženika Hodžić Safeta, sina Hasana iz Šerića br. 513, zastupanog po punomoćniku Salkanović Zarijeti, advokatu iz Živinica, radi smetanja posjeda prava služnosti puta, v.sp. 1.000,00 KM, nakon održane glavne rasprave dana 11.04.2005.godine, donio je dana 11.05.2005.godinu slijedeću:



R J E Š E N J E

USVAJA SE TUŽBENI ZAHTJEV TUŽITELJA u cjelosti, koji glasi:

«Utvrđuje se da je tužitelj Hodžić Mustafa bio u posljednjem mirnom i faktičkom posjedu prava stvarne služnosti nekretnine označene kao k.č. br. 1391 zv. «Strane» pristupni put, upisane u PL. br. 360, K.O. Šerići, koristeći istu za prolaz pješice i za prolaz vozilom, u čemu ga je smetao tuženik Hodžić Safet, tako što je dana 07.07.2004.g. zaključao željeznu kapiju i faktički mu onemogućio prolaz.

Nalaže se tuženiku da tužitelju omogući prolazak predmetnim putem, te da se suzdrži od daljnjeg uznemiravanja posjeda pod prijetnjom novčane kazne.»

Obavezuje se tuženik da tužitelju naknadi troškove parničnog postupka u iznosu od 1.370,00 KM.

O b r a z l o ž e n j e

Tužitelj je ovom sudu podnio tužbu dana 26.7.2004.godine protiv tuženika, radi smetanja posjeda prava služnosti puta. U tužbi i tokom postupka je putem svog punomoćnika naveo da tužitelj posjeduje kuću izgrađenu na nekretnini označenoj kao k.č. br. 1395 zv. Strane upisana u K.O. Šerići, te da je suposjednik prilaznog puta, označenog kao k.č. br. 1392 zv. «Put za kuću», na koji put se nadovezuje pristupni put zv. «Strane» označen kao k.č. br. 1391 površine 984 m², upisan u posjedovni list br. 360 K.O. Šerići, koji put je posjed Hodžić Omera, djeda tuženika, a koji je ugovorom u poklonu prenio na tuženika. Nadalje je istakao da mu je poznato da tužitelj i njegovi preci unazad pedeset godina koliko se tužitelj sjeća koriste navedeni put pješice i vozilom, te da je isti tužitelj koristio sve do 7.7.2004.g. godine, kada je tuženik oko 21 sat izašao pred njega, zaključao željeznu kapiju, koju je ranije postavio, te mu rekao da više neće prolaziti tuda. Brčminović Sakib, koji je bio u društvu sa tuženikom, pokušao je udariti tužitelja sa jednom motkom, nakon čega je tužitelj pobjegao u dvorište Kuduzović Ramiza. Tužitelj je tražio da sud obaveže tuženika kao u izreci ove presude.